

DI 11 TITULO DI CALYPSO PA MIGHTY TALENT

Den 14 participacion den concurso



Mey mey riba e foto aki por mira Sr. Ramon Sharpe, na kende e festival di Calypso y Roadmarch a ser dedica e aña aki. Un persona cu den ultimo 45 aña a biba cu calypso y ta un gran conocedor di e ritmo aki. For di su adolescencia Ramon ta canta y compone calypso y den e concursos na Aruba e ta esun cu sigur tin mayoria di composicionnan cu a yega di participa den historia di e festival aki, y a produci temanan ganador di tanto calypso como roadmarch. Hunto cune por mira riba e foto aki Sr. Milo Croes di SAC y Sr. John Jeand'or di ASOMA cu personahenan cu a ser honra e anochi aki pa nan labornan riba tereno di e concursos aki. Singing Olivia, Miki Gravenhorst, Ruben Garcia, y Mighty Talent. Lord Cachete cu tambe a wordo honra no a yega Aruba ainda pa e anochi aki.

ORANJESTAD(AAN):

Durante e anochi maratonico di Concurso di Calypso y Roadmarch, 16 participante a presenta cu ca-

lypso. locual ta muestra tambe un aumento den cantidad compara cu ultimo añanan, pero ademá mester menciona cu casi tur di nan

tabata di nivel competitivo.

Mighty Talent pa 7.30 or ayera mainta a wordo anuncia como e ganador indiscutible y pa di 11 biaha den 14

participacion el a logra bay cu corona di **"Rey di Calypso"**.

Su calypso **"Problems"** tabata un mensahe hopi bon pa Arubianonan un biaha mas y a acumula 1905 punto.

A pesar cu Claudius a resulta e ganador indiscutible, mester menciona cu tabata tin algun calypso masha competitivo. Algun cu a cay den premio y otro cu no a cay den premio pero cu tabata fuerte sin embargo.

Den premiacion no por keda sin menciona e di dos lugar di

"Singing Olivia" cu a presenta cu su **"Aruba"** cu a dal duro na momento di su presentacion. Olivia a termina cu un diferencia di 15 punto tras di Talent cu 1890 punto.

Ramphis Tromp a termina na di 3 lugar cu **"Bozz Off"** logrando 1750 punto. Mester menciona sin embargo cu den transcurso di e anochi, hopi hende a lubida e presentacion di Ramphis y tambe di **"Tattoo"** cu su **"Don't Stop"** cu tabata otro e aña aki y cu a pega bon.

"Tattoo" mes no a kere cu

e cambio di ritmo cu el a haci cu su toquen experimental lo a cay asina na agrado. El a termina como tercer finalista cu 1610 punto.

E di cuatro finalista a resulta **"Blind Man"** di Hipie cu tambe a pega duro e anochi aki, y tabata sigur candidato fuerte pa titulo na momento di su presentacion.

Esnan cu no a cay den premiacion pero cu sigur a imponi e anochi y madruga aki tabata **"Mighty Whitey"** cu su calypso **"Do you Believe"**. E tabata tin un presentacion formidable pa su debut.

"King Computer" tambe cu su calypso **"No money"** a haya masha acogida di e publico y tabata fuerte tambe, mientras cu **"Woody"** cu su **"Life is Nice"** tabata tin un bunita ritmo, pa no keda sin menciona e actuacion masha satisfactorio den su debut di **"Lord Checho"** cu su calypso **"Move Up"** acompaña pa Kenny Clay Combo cu tabata tin un nivel di musica calypso y roadmarch hopi halto e anochi aki.